

গণপ্রজাতন্ত্রী বাংলাদেশ সরকার
দুর্যোগ ব্যবস্থাপনা ও ত্রাণ মন্ত্রণালয়
(ত্রাণ কর্মসূচি-২ অধিশাখা)
বাংলাদেশ সচিবালয়, ঢাকা
www.modmr.gov.bd

নং-৫১.০০.০০০০.৮২২.২২.০০১.১৫-১০৫

তারিখঃ ২২ মার্চ ২০১৬ খ্রি।
০৮ চৈত্র ১৪২২ ব.।

‘পরিপত্র’

দুর্যোগ ব্যবস্থাপনা ও ত্রাণ মন্ত্রণালয়ের তত্ত্বাবধানে গ্রামীণ অবকাঠামো সংস্কার (কাবিখা), গ্রামীণ অবকাঠামো রক্ষণাবেক্ষণ (টি.আর) এবং অতিদরিদ্রের জন্য কর্মসূচি (ইজিপিপি)সহ অন্যান্য কর্মসূচির কাজ পরিচালিত হয়ে থাকে। কর্মসূচিগুলোর সুষ্ঠু বাস্তবায়নের জন্য ২০১৫-২০১৬ অর্থ বছরে ইতোমধ্যে ১ম ও ২য় পর্যায়ে সাধারণ, নির্বাচনী এলাকা ভিত্তিক এবং বিশেষ বরাদ্দ আকারে খাদ্যশস্য ও নগদ টাকা দেয়া হয়েছে। কর্মসূচি সমূহের কার্যক্রম সাধারণতঃ ইউনিয়ন পরিষদ চেয়ারম্যান, সদস্য এবং সংরক্ষিত আসনের মহিলা সদস্যগণের সমনয়ে গঠিত প্রকল্প বাস্তবায়ন কমিটির মাধ্যমে সম্পাদিত হয়ে থাকে। কিন্তু ইতোমধ্যে নির্বাচন কমিশন মার্চ, ২০১৬ হতে জুন, ২০১৬ সময়ে ৬ টি পর্যায়ে ইউনিয়ন পরিষদের নির্বাচন অনুষ্ঠানের লক্ষ্যে সময়সূচী ঘোষনা করেছে।

ইউনিয়ন পরিষদ (নির্বাচন আচরণ) বিধিমালা-২০১৬ এর অনুচ্ছেদ ২৫ মোতাবেক-

- (১) নির্বাচন পূর্ব সময়ে কোন সরকারী, আধা সরকারী ও স্বায়ত্তশাসিত প্রতিষ্ঠানের রাজস্ব বা উন্নয়ন তহবিলভুক্ত কোন প্রকল্পের অনুমোদন, ঘোষনা বা ভিত্তি প্রস্তর স্থাপন কিংবা ফলক উন্মোচন করা যাইবে না।
- (২) নির্বাচন পূর্ব সময়ে কোন সরকারী সুবিধাভোগী অতি গুরুত্বপূর্ণ ব্যক্তি সরকারী বা আধা-সরকারী বা স্বায়ত্তশাসিত প্রতিষ্ঠানে তহবিল হইতে কোন ব্যক্তি বা গোষ্ঠী বা প্রতিষ্ঠানে অনুকূলে কোন প্রকার অনুদান ঘোষনা বা বরাদ্দ প্রদান বা অর্থ অবমুক্ত করিতে পারিবে না।
- (৩) নির্বাচন পূর্ব সময়ে ইউনিয়ন পরিষদের চেয়ারম্যান বা অন্য কোন পদাধিকারী সংশ্লিষ্ট ইউনিয়ন পরিষদ এলাকায় উন্নয়নমূলক কোন প্রকল্প অনুমোদন বা ইতোপূর্বে অনুমোদিত কোন প্রকল্পে অর্থ অবমুক্ত বা প্রদান করিতে পারিবে না।

নির্বাচন কমিশনের উপরিউক্ত নির্দেশনার বাধ্যবাধকতা অনুসরণের লক্ষ্যে এবং নির্বাচনের তফসিলভুক্ত এলাকায় কাবিখা, টি.আর এবং ইজিপিপি কর্মসূচিসহ অন্যান্য কর্মসূচির কাজ অব্যাহত রাখার স্বার্থে নিয়ন্ত্রিত পদক্ষেপ গ্রহণ করতে হবে।

- (১) কোন এলাকায় নির্বাচনী তফসিল ঘোষণা হওয়ার পর ঐ এলাকায় কাবিখা, টি.আর এবং ইজিপিপি সহ মন্ত্রণালয় এবং অধিদপ্তরের অন্যান্য কর্মসূচির কাজ চলমান থাকলে এবং কর্মসূচিসমূহের কোন প্রকল্পের প্রকল্প কমিটির চেয়ারম্যান ইউপি নির্বাচনে অংশ গ্রহণ করে থাকলে তিনি আর প্রকল্প কমিটির চেয়ারম্যান থাকবেন না। সেক্ষেত্রে কমিটির সেক্রেটারি চেয়ারম্যানের দায়িত্ব পালন করবেন। সেক্রেটারি ও নির্বাচনে অংশ গ্রহণ করে থাকলে কমিটির সিদ্ধান্ত অনুযায়ী অন্য সদস্য যিনি নির্বাচনে অংশ গ্রহণ করেননি বা করবেন না তিনি কমিটির চেয়ারম্যান হবেন। কমিটির এক বা একাধিক সদস্য নির্বাচনে অংশগ্রহণ করলে তারাও আর প্রকল্প কমিটির সদস্য থাকবেন না এবং অন্য সদস্য যিনি নির্বাচন করবেন না কিংবা উপযুক্ত অন্য কোন ব্যক্তি তাদের স্থলাভিষিক্ত হবেন।

- (২) কমিটির সকল সদস্য নির্বাচনে অংশ গ্রহণ করে থাকলে উপজেলা পরিষদ, উপজেলা নির্বাহী অফিসার, উপজেলা প্রকল্প বাস্তবায়ন কর্মকর্তা এবং সংশ্লিষ্ট ইউনিয়নের ট্যাগ অফিসারের সাথে পরামর্শক্রমে স্কুল শিক্ষক, আনন্দার ভিডিপি সদস্য, ইউনিয়ন পর্যায়ে কর্মরত সরকারী কর্মকর্তা এবং স্থানীয় গণ্যমাণ্য ব্যক্তিগণের সমন্বয়ে প্রকল্প

অপর পাতা দ্রঃ

কমিটি গঠন করবেন। পূর্বের প্রকল্প কমিটি প্রকল্পের কাজ সম্পূর্ণ বাস্তবায়ন করতে না পারলে প্রকল্প বাস্তবায়ন কর্মকর্তা প্রকল্পের অব্যায়িত খাদ্যশস্য/নগদ অর্থ সমন্বয়ের লক্ষ্যে প্রকল্পের মাপ গ্রহণপূর্বক প্রকল্পের অবশিষ্ট কাজ পরবর্তী কমিটিকে বুঝিয়ে দিবেন। প্রকল্পের কাজ সমাপ্ত না হওয়া পর্যন্ত ঐ কমিটি বলবৎ থাকবে।

(৩) যে সকল ইউপি চেয়ারম্যান, সদস্য, মহিলা সদস্য এবং ব্যক্তিবর্গ নির্বাচনে অংশগ্রহণ করবেন তারা কাবিখা, টিআর, ইজিপিপিসহ অন্যান্য কর্মসূচির ফোন নতুন প্রকল্পের চেয়ারম্যান, সেক্রেটারি কিংবা সদস্য হতে পারবেন না। সেক্ষেত্রে সংশ্লিষ্ট এলাকার প্রকল্পের কাজ অব্যাহত রাখার লক্ষ্যে নির্বাচনে অংশ গ্রহণ করবেন না এমন চেয়ারম্যান, সদস্য, মহিলা সদস্য সমন্বয়ে প্রকল্প কমিটি গঠন করতে হবে। যদি একটি ইউনিয়নের নির্বাচিত চেয়ারম্যান, সকল সদস্য এবং সকল মহিলা সদস্য নির্বাচনে অংশগ্রহণ করেন সেক্ষেত্রে উপজেলা পরিষদ অনুচ্ছেদ (২) এর বিধান মোতাবেক প্রকল্প কমিটি গঠন করবেন।

(৪) নির্বাচন সমাপ্তির পর নির্বাচিত ইউপি চেয়ারম্যান, সদস্য এবং মহিলা সদস্যগণ শপথ গ্রহণপূর্বক কাবিখা, টিআর ও ইজিপিপিসহ অন্যান্য কর্মসূচির নতুন প্রকল্পের প্রকল্প চেয়ারম্যান, সেক্রেটারী ও সদস্য হতে পারবেন।

(৫) জনকল্যাণমূলক প্রতিষ্ঠান এবং শিক্ষা প্রতিষ্ঠানের পরিচালনা কমিটির কোন সদস্য ইউপি নির্বাচনে অংশ গ্রহণ করলে তিনিও ঐ প্রতিষ্ঠানের প্রকল্প কমিটির সভাপতি, সেক্রেটারি কিংবা সদস্য হতে পারবেন না।

(৬) নির্বাচনী এলাকা ভিত্তিক বরাদ্দের প্রকল্পের প্রকল্প কমিটির ক্ষেত্রেও একই নিয়ম প্রযোজ্য হবে।

স্বাক্ষরিত/-

২২/০৩/২০১৬

(মোঃ শাহু কামাল)

সচিব

নং-৫১.০০.০০০০.৮২২.২২.০০১.১৫-১০৫

তারিখঃ ২২ মার্চ ২০১৬ খ্রি।
০৮ টৈক্র ১৪২২ ব.।

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলোঁ।

- ১। মন্ত্রপরিষদ সচিব, মন্ত্রপরিষদ বিভাগ, বাংলাদেশ সচিবালয়, ঢাকা।
- ২। মুখ্য সচিব, প্রধানমন্ত্রীর কার্যালয়, পুরাতন সংসদ ভবন, ঢেঙগাঁও, ঢাকা।
- ৩। সিনিয়র সচিব, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
- ৪। সচিব, স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ৫। সচিব, নির্বাচন কমিশন সচিবালয়, শের-ই-বাংলা নগর, ঢাকা।
- ৬। মহাপরিচালক, দুর্যোগ ব্যবস্থাপনা অধিদপ্তর, দুর্যোগ ব্যবস্থাপনা ভবন, ৯২-৯৩ মহাখালী বা/এ, ঢাকা।
- ৭। বিভাগীয় কমিশনার (সকল), ঢাকা/চট্টগ্রাম/রংপুর/রাজশাহী/ সিলেট/ খুলনা/ বরিশাল/ ময়মনসিংহ বিভাগ।
- ৮। জেলা প্রশাসক(সকল)।
- ৯। মাননীয় মন্ত্রীর একান্ত সচিব, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।
- ১০। সচিবের একান্ত সচিব, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।
- ১১। অতিঃ সচিব (ত্রাণ)-এর ব্যক্তিগত কর্মকর্তা, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।

22/03/2016
(মোঃ ইসমাইল হোসেন)

উপসচিব (ত্রাণ-২)

ফোন নং-৯৫৪০১৪৩

dsreliefprog2@modmr.gov.bd